



Na osnovu člana 6. Statutarne Odluke o organizaciji Grada Gradačac u skladu sa Zakonom o Gradu Gradačac („Službeni glasnik Grada Gradačac”, broj 1/19 od 11.06.2019.g.) i člana 45. stav 2. Odluke o komunalnom redu i sanitarnom minimumu («Službeni glasnik općine Gradačac», broj: 7/07, 6/08, 2/09, 9/10, 3/11), Gradsko vijeće Grada Gradačac, na _____ sjednici održanoj dana __.01.2021.godine, **d o n o s i**

ODLUKU
o visini naknade za korištenje dijela javne površine na području Grada Gradačac
za 2021. godinu

Član 1.

Ovom Odlukom utvrđuje se visina naknade za zauzimanje dijela javne površine po zonama utvrđenim odredbama Odluke o građevinskom zemljištu na osnovu podnesenog zahtjeva za korištenje dijela javne površine za poludnevnu, dnevnu, mjesečnu, kvartalnu ili godišnju naknadu. Poludnevna naknada umanjuje se za ½ od propisane dnevne naknade.

Član 2.

Za korištenje dijela javne površine za postavljanje poslovnih objekata **tipa kiosk**, za 1 m² zauzete javne površine **plaća se mjesečna naknada** po zonama u sljedećem iznosu, kako slijedi:

-u zoni I	10,00 KM
-u zoni II	4,00 KM
-u zoni III	3,00 KM
-u zoni IV	2,00 KM
-u zoni V	1,00 KM
-u zoni VI	0,80 KM
-ostalo građevinsko zemljište ...	0,50 KM.

Utvrđena mjesečna naknada plaća se za svaki mjesec unaprijed, a najdalje do petog (5) u tekućem mjesecu.

Član 3.

Za korištenje dijela javne površine ispred poslovnih prostora u svrhu postavljanja/lociranja **tendi za ljetne i zimske bašte kao i prodajno izložbenih mjesta**, plaća se mjesečna naknada po 1 m² zauzete površine u ovisnosti od zone u sljedećem iznosu, kako slijedi :

-u zoni I	6,00 KM
-u zoni II	4,00 KM
-u zoni III	3,00 KM
-u zoni IV	2,00 KM
-u zoni V	1,00 KM
-u zoni VI	0,80 KM
-ostalo građevinsko zemljište ...	0,50 KM

Plaćanje naknade za zauzimanje javne površine za ljetne bašte vrši se od 01.aprila do 31.oktobra tekuće godine, a za zimske bašte od 01.novembra tekuće godine do 31.marta naredne godine i plaća se za svaki mjesec unaprijed najdalje do petog (5) u tekućem mjesecu.

Obračun naknade za Ljetno-zimsku baštu ide od 01.aprila tekuće do 31.marta naredne godine.

Obračun naknade za stalni prodajno izložbeni prostor plaća se tokom cijele godine u kvartalnom iznosu (na tri rate).

Za sezonski period, za prodajno izložbeni prostor plaća se naknada u mjesečnom iznosu.

Dokaz o uplati za svaki mjesec, odnosno za kvartalnu uplatu, korisnik je dužan dostaviti ovoj Službi radi vođenja Registra uplata i daljnjeg postupanja.

Član 4.

Za korištenje dijela javne površine **za postavljanje rashladnih uređaja za prodaju sladoleda i osvježavajućih napitaka tipa frižider**, kao i aparata za uličnu proizvodnju i prodaju kokica, kukuruza, palačinka i drugih proizvoda, **plaća se poludnevna, dnevna, mjesečna, kvartalna ili godišnja naknada** po 1 m² u sljedećem iznosu, po zonama, kako slijedi:

-u zoni I	10,00 KM
-u zoni II	6,00 KM
-u zoni III	5,00 KM
-u zoni IV	3,00 KM
-u zoni V	2,00 KM
-u zoni VI	1,00 KM
-ostalo građevinsko zemljište ...	0,50 KM.

Naknada iz stava 1. ovog člana plaća se unaprijed u punom iznosu, najdalje do petog (5.) u tekućem mjesecu.

U dane praznika, sajмова, vikenda i sličnih manifestacija a najviše do 10 dana, plaća se dnevna naknada u punom iznosu po 1m² u ovisnosti od zone i poludnevna naknada koja se umanjuje za ½ od propisane dnevne naknade u sljedećem iznosu, kako slijedi:

-u zoni I	10,00 KM
-u zoni II	8,00 KM
-u zoni III	6,00 KM
-u zoni IV	4,00 KM
-u zoni V	2,00 KM
-u zoni VI	1,60 KM
-ostalo građevinsko zemljište ...	1,00 KM.

Član 5.

Za zauzimanje dijela javne površine u cilju **postavljanja prodajnih tezgi-stolova**, kao i pokretnih tezgi-stolova tipa točkaša i štandova, **plaća se poludnevna, dnevna, mjesečna, kvartalna ili godišnja naknada u punom iznosu po 1m² u ovisnosti od zone u sljedećem iznosu, kako slijedi:**

-u zoni I	6,00 KM
-u zoni II	4,00KM
-u zoni III	3,00 KM

- u zoni IV 2,00 KM
- u zoni V 1,00 KM
- u zoni VI 0,80 KM
- ostalo građevinsko zemljište ... 0,50 KM.

U dane praznika, sajмова, vikenda i sličnih manifestacija a najviše do 10 dana, plaća se dnevna naknada u punom iznosu po 1m² u ovisnosti od zone i poludnevna naknada koja se umanjuje za ½ od propisane dnevne naknade u sljedećem iznosu, kako slijedi:

- u zoni I10,00 KM
- u zoni II8,00 KM
- u zoni III 6,00 KM
- u zoni IV 4,00 KM
- u zoni V 2,00 KM
- u zoni VI 1,60 KM
- ostalo građevinsko zemljište ... 1,00 KM.

Pod prodajom na štandovima i tezgama-stolovima, koji mogu biti i pokretnog karaktera tipa točkaša, podrazumijeva se sljedeća prodaja: lutrija, štampe, knjiga, izlaganje reklamnog i propagandnog materijala, cvijeća, voća, ukrasnih i etno-predmeta, ručnih radova (sve vrste rukotvorina), raznih umjetnina, proizvodi iz slatkog programa i zdrave hrane, kao i aparati namijenjeni za uličnu proizvodnju i prodaju kokica i drugih sjemenki, zatim pečenje palačnaka, kestenja, kukuruza i tome slično.

Tipski štandovi koji su u vlasništvu Grada a sa istim upravljaju/raspolaze JP, „Parkinzi” Gradačac, računa se korisna površina od 4m² za jedan štand, tj. obračunava se štand i prostor oko štanda sa po 2m².

Naknada iz ovog člana plaća se unaprijed u punom iznosu za određene dane u mjesecu u kalendarskoj godini ili kvartalno ako koristi određene dane tokom kalendarske godine.

Za zauzimanje javne površine u svrhu postavljanja zabavnih parkova, cirkusnih šatri i drugih zabavnih sadržaja, plaća se dnevna naknada u iznosu od 0,50 KM po 1 m².

Član 6.

Naknada za korištenje/zauzimanje javne površine obračunava se sa PDV-om.

Član 7.

Korisniku, kojem je izdat dio javne površine na korištenje, ne može je izdavati u podzakup trećim licima.

Na osnovu pojedinačnog zahtjeva, nadležna Služba /Odsjek za komunalne poslove donosi rješenje za korištenje javne površine sa utvrđenom naknadom i vremenskim periodom korištenja.

Prije izdavanja odobrenja iz predhodnog stava, podnosilac zahtjeva dužan je prethodno od Odsjeka za urbanizam pribaviti stručno mišljenje sa grafičkim prikazom (ako se radi o novom korisniku) ili uvjerenje sa grafičkim prikazom sa kojim stari odnosno redovni korisnik javne površine potvrđuje da se nisu promijenili uslovi za zauzimanje javne površine.

Novi korisnik, tj. podnosilac zahtjeva plaća administrativnu taksu u punom iznosu, a stari/ redovni korisnik za obnavljanje zahtjeva, istu plaćaju u umanjenom iznosu za 50%.

Korisnik javne površine, dužan je ovoj Službi/Odsjeku za komunalne poslove, dostaviti dokaz o uplati za potrebe vođenja Registra uplata i daljnjeg postupanja, u protivnom komunalni inspektor će pristupiti provođenju komunalnog reda u skladu s kaznenim

odredbama Odluke o komunalnom redu i sanitarnom minimumu („Sl.glasnik općine Gradačac”, broj: 7/07,6/08,2/09, 9/10 ,3/11 i 9/18).

Član 8.

Sredstva prikupljena od naknade za korištenje dijela javne površine su namjenska, uplaćuju se u korist računa Grada Gradačac, i koriste se za poboljšanje komunalne infrastrukture u Gradu.

Član 9.

Ova Odluka stupa na snagu danom objavljivanja u “Službenom glasniku Grada Gradačac” i sa tim danom prestaje da važi istoimena Odluka iz predhodne godine.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
-Gradsko vijeće -**

**Broj:01-05- /21
Datum:.01.2021.godine**

G R A D A Č A C

**PREDSJEDAVAJUĆI
GRADSKOG VIJEĆA**

Mehanović Hajrudin, s.r.

Obrazloženje

Predmetna Odluka urađena je u skladu s odredbama člana 45. stav 2. Odluke o komunalnom redu i sanitarnom minimumu („Službeni glasnik općine Gradačac”, broj:7/07,6/08, 2/09 , 9/10, 3/11 i 9/18) i odnosi se na visinu naknade za korištenje dijela javne površine po zonama utvrđene odredbama Odluke o građevinskom zemljištu.

Korisniku se rješenjem odobrava korištenje dijela javne površine za postavljanje objekata privremenog karaktera tipa:kiosk, ljetna i zimska bašta, prodajno mjesto ispred poslovnog prostora u cilju prodaje kao i postavljanje rashladnih uređaja tipa frižider, zatim aparati za uličnu proizvodnju kokica, palačnaka, pečenje kestinja i drugih sličnih proizvoda namijenjeni uličnoj proizvodnji i prodaji.

Naknada za korištenje javne površine, plaća se po zonama u poludnevnom,dnevnom, mjesečnom, kvartalnom ili godišnjem iznosu na osnovu podnesenog zahtjeva u skladu s predmetnom Odlukom.

Predlažemo da ova Odluka za 2021.godinu ide na usvajanje kao u prijedlogu.

OBRADIVAČ

Gradska služba za urbanizam,
investicije i komunalne poslove

PREDLAGAČ

Gradonačelnik